

## Likabelo tsa Teboho



### SABATHA MANTSIBOEA

#### **Bakeng sa Thuto ea Beke ena Bala:**

*Mattheu 6:19–21; Baef. 2:8; 1 Petro. 4:10; Luka 7:37–47; 2 Bakor. 8:8–15; 2 Bakor. 9:6, 7.*

#### **Temana ea Khopolo:**

“Hobane Molimo O ratile lefatše hakalo, O bile oa le nea mora oa oona ea tsoetsoeng a ’notsi, hore e mong le e mong ea lumelang ho eena; a se ke a timela a mpe a be le bophelo bo sa feleng.” (Johanne 3:16).

**M**olimo oa rona ke Molimo O fanang; ’nete e kholo ena e bonoa hantle haholo ka sehlabelo sa Jesu. “Hobane Molimo O ratile lefatše hakalo, O bile oa le nea mora oa oona ea tsoetsoeng a ’notsi, hore e mong le e mong ea lumelang ho eena; a se ke a timela a mpe a be le bophelo bo sa feleng.” (Johanne 3:16). Kapa temaneng ena: “‘Me ha e sita lona ba lonya, le tseba ho nea bana ba lona lintho tse molemo, Ntat’a lona ea leholimong o tla fetisisa hakakang ho nea Moea O Halaleng ho ba o kopang ho Eena!’” (Luka 11:13). Molimo O oa fana A fane; ke semelo sa Hae. Ka hona, le rona ba batlang ho bonahatsa semelo seo, re tlameha ho fana. Ho thata ho nahana ho itoantša ka kelellong ho e na le ho nahana ka “Mokreste ea ichelang bo eena.” O mong oa mekhoha ea ho fana ka seo re se fuoeng ke ka likabelo. Likabelo tsa rona li fana ka monyetla oa ho bonahatsa teboho le lerato. Mohlang Kreste A amohelang balopolloa lehoimong, re tla bona ba amohetseng mohau oa Hae, re be re lemohe hore ho ananela hoo ho entsoe hore ho khonahale ka likabelo tsa rona ka lihlabelo tsa likabelo. Bekeng ena re tla shebanang le lintlha tsa bohlokoa likabelong. Ho fana ka pelo-nolo,ebang ke linthong, nako, talenta, ke mokha o matla oa ho phela tumelo ea rona le ho senola semelo sa Molimo eo re mo sebeletsang.

*\*Ihute Thuto ea beke ena ho lokisetsa Sabbatha sa la 3 Hlakubele.*

## “Moo Letlotlo la Hau le Leng Teng”

**Bala Mattheu 6:19–21. Leha re floaetse litemana tsena, ke joang re ka lokolohang ho tsoaroeng ho matla hoo matlotlo a lefatše a ka bang le hona ho rona? Sheba le Bakolose 3:1, 2.**

---



---

“Hobane moo letlotlo la hau le leng teng, ke moo pelo ea hau e tlang ho ba teng” (Mattheu 6:21) ke boipiletso ba Jesu. Boima bo feletseng ba temana ena bo bonoa litemaneng tse peli tse tlang pele ho eona, tse bapisang ho boloka matlo a rona lefatšeng le ho a boloka leholimong. Mantsoe a mararo a hlalosa lefatše: tšoele, mafome le masholu (sheba Mattheu 6:19), ’ohle a bontša kamoo matlotlo a lefatše eleng a nakoana a felang kateng. Ke mang ea so ithuti kamoo ntho tsa lefatše li ka felang kapele kateng? “Lefatšeng ntho tsohle ha li’a tsitsa, ha li tšepahale, ha li na tiisetso; li’a bola, li’a senyeha, li’a utsuoa, lia’ lahleha. Leholimo le fane: sohle ke sa ka ho sa feleng, se’a tsoarella, se sireletsehile, ebile ha se bole. Leholimong haho tahlehelo.”—C. Adelina Alexe, “Where Your Heart Belongs,” in *Beyond Blessings*, edited by Nikolaus Satelmajer, (Nampa, Idaho: Pacific Press Publishing Association, 2013), leq. 22.

Sheba matlotlo a hau. Leha e ba o na le a fokolang, ho se hokae, boholo ba oona a tla lahleloa koana. Mohlomong se ka salang e kaba seboko sa hau. Empa qhoku e bohlale e lokela ho khathatseha ka ho beha matlotlo a eona leholimong hore a bolokehe. Mono, ho fapana le mona, hau lokele ho khathatseha ka ho putlama ha Loti, masholu, kapa ho tsoaroa poho. Mattheu 6:19–21 e fupere e ’ngoe ea ntlha tsa bohlokoa boqhokung. Letlotlo la hau lea hula, lea hulanya, lea khahlapetsa, lea hohela, lea batla, le batla ho laola pelo ea hau. Lefatšeng la matlotlo pelo ea hau e latela letlotlo la hau, ka hona, moo letlotlo la hau le leng teng ho sala ho le bohlokoa haholo. Ha re tseпамisa maikutlo ho fumaneng lithoko le ntho tsa lefatše, ho ba thata haholo ho nahana ka ntho tsa leholimo. Ho re re lumela ho Molimo empa re bolokile matlotlo a rona mona lefatšeng ke boikaketsi. Liketso tsa rona li tlameha ho nyallana le mantsoe a rona. Ka mantsoe a mang, re bona matlotlo a rona lefatšeng ka mahlo, empa re tlameha ho bona likabelo tsa rona e le matlotlo leholimong ka tumelo (2 Bakor. 5:7). Leha, haele hantle, re tlameha ho etsa se etsehlang bophelong re sebeletse lithoko tsa rona (leha re’a pencheleng), ho bohlokoa ho lula re bolokile tabakhlo ka kelellong, bo sa feleng.

**Bala Baheberu 10:34. Ke ntlha efe ea bohlokoa e etsoang ke Paulosi moo ka phapang ea matlotlo a mona ea leholimong?**

# Liqhoku tsa Mohau oa Molimo

**Ho ea ka Baefese 2:8, ke sefe hape seo re se filoeng ke Molimo?**

---

Mohau ke “molemo o sa u tšoaneleng.” Ke mpho e sa u lokeleng. Molimo o tšolletse mohau oa Hae le fatšeng lena, hape, haeba ha re na e hana, mohau oa hae o tla theoha o fetole maphelo a rona, hona joale le ka ho sa feleng. Maruo ohle le matla a leholimo li kenyelelitsoe mphong ea mohau (2 Bakor. 8:9). Le manyeloi a hlolletsoe ke mpho ena e kholo-kholo ho feta tsohle (1 Petro. 1:12).

Ha ho potang: Ho sohle seo Molimo A re fang sona, mohau oo re o filoeng ka Jesu Kreste ke mpho ea bohlokooa ho feta tsohle. Ntle le mohau, re ka sala re se na tšepo. Litla-morao tsa masisa-pelo a sebe a maholo haholo hore batho ba itokolla ho oona. Le ho mamela molao oa Molimo ho ne ho keke ha re tlisetsa bophelo. “Ha ho le joalo, na molao o hanana le lipallo tsa Molimo na? le hanyenyane! Hobane molao o neiloeng motho, hoja o ka tseba ho phelisa, ruri ho loka ho ne ho tla tsoa molaong.” (Bagal. 3:21). Ka holimo ho tsohle, ebang molao ofe kapa ofe o ka re pholosa, e kaba molao oa Molimo. Empa Paulosi o re le oona o keke oa re pholosa. Haeba re tla bolokeha, e tlabang ka mohau.

**Bala 1 Petrose 4:10. Boqhoku bo amana joang le mohau? Hlalosa kamoo ho fana ho Molimo le ho ba bang ho bontšang mohau oa Hae.**

---

Peterose o re joalokaha re fumane mpho ea mohau oa Molimo, re lokela ho ba “Kamoo ho loketseng liabi tse ntle tsa neo ea mohau oa Molimo” (1 Petro. 4:10) le rona. Ke hore Molimo O re file lineo; ka hona, re lokela ho boela re fana ka seo re se filoeng. Seo re se fumaneng, ka mohau, hae fela hore se re thabise se tsoele rona fela molemo, empa bakeng sa ho tsamaisa evangeli. Re fuoe feela (eleng seo mohau o leng sona); ka hona; ka hohle kamoo re ka khonang, re lokela ho fana feel.

**Nahana ka tsohle tseo u li filoeng ke Molimo. ke ka tsela life u ka bang qhoku ea mohau oo u filoeng feela?**

---

## Kabelo ea Rona e Kholo-kholo

**Bala Luka 7:37–47. Pale ee e re rutang ka sepheo se nepahetseng sa ho fana ka likabelo ho Molimo?**

---

---

Ba bangata ba ile kena ka tlung 'me ba bona Jesu a kakaletse tafoleng. A phuya lebokose la setlolo sa alabasta se turu a motšela ka sona. Ba bang ba nahana hore ketso ea hae e fosahetse, ha ba hopola hore bophelo ba hae ha bo'a hloeka. Empa Maria o ne a lokolotsoe litlamong tsa matemona (Luka 8:2). Eaba, kamora ho shebella ho tsoha bafung ha Lazaro, a tlaoa ke teboho. Setlolo sa hae n'e le letlotlo la bohlokoa ho feta ohle ao a nang le oona, 'me e n'e le tsela ea ho bontša teboho ho Jesu.

Pale ena e fupere seo e tlamehang ho ba sepheo sa rona sa ho fana ka likabelo: teboho. Ka holimo ho tsohle, karabo e 'ngoe eo re ka bang le eona mphong e ke keng ea lekanngoa ea mohau oa Molimo ke efe? Mosa oa Hae o boetse o re susumelletsa ho fana, 'me ha o matahane le teboho ea rona, bobeli li etsa lisebelisoa tsa likabelo tsa 'nete, ho kenyeletsa nako ea rona, litalenta, matlotlo, le 'mele.

**Bala Exoda 34:26, Levitike 22:19–24, le Numere 18:29. Leha maemo a fapaneng ka botlalo le a kajeno, ke motheo ofe oo re ka o nkang litemaneng tsee mabapi le likabelo tsa rona?**

---

Likabelo tsa rona tse kholo-kholo li ka bonahala li sa lekana mahlong a rona, empa li lekane ho a Molimo. ho fa Molimo tse ntlehali ho bontša hore ke Eena oa pele maphelong a rona. Ha re fane ka likabelo hore re fumane melemo e itseng; empa, re fana ka seo re nang le sona ka teboho ho seo re se fuoang ho Krete Jesu. “Boinehelo le mosa o feletseng, tse susumetsoang ke lerato la teboho, li ama le kabelo e nyenyane ka ho fetisisa, sehlabelo se etsoang ka pelo eohle, monko o halalelang, ho etsa mpho eo theko ea eona e kekeng ea lekanngoa. Empa, kamora ho inehela ho Mopholosi oa rona ka boikhethelo, sohle seo re ka fanang ka sona, leha e ba se le bohlokoa-hlokoa ho rona, haeba re sheba sekoloto sa rona sa teboho ho Molimo joalokaha se le joalo, sohle seo re faneng ka sona se ka bonahala se sa lekana se fokola haholo. Empa manyeloi a nka lihlabelo tsena, tseo ho rona eleng lithoele, 'me a fane ka tsona li nkha hamonate pela terone, 'me li'a amoheloa.”—Ellen G. White, *Testimonies for the Church*, vol. 3, leq. 397.

## Sepheo sa Pelo

Thutong ea pejana re hlokometse pale ea kabelo e tsoang botebong ba pelo ea mohlolohali. Leha e n'e eiseha papisong le tse ling, e n'e tsoa botebong ba pelo 'me e bontša tlhaho ea 'nete ea semelo sa hae le pelo, tse qhololitseng Jesu ho re, "'Mohlolohali enoa oa mofutsana o noketse ho feta bana bohle'" (Luka 21:3). Molimo fela (Jakobo 4:12) o tseba sepheo sa 'nete sa rona (Liprov. 16:2; sheba le 1 Bakor. 4:5). Ho ka etsahala ho etsa ntho tse ntle ka sepheo se sebe. Ho fana ha o na le ntho tse ngata haho hloke tumelo e kalo-kalo, empa ho fana o iketsa sehlabelo molemong oa ba bang ho ka buoa ntho'e kholo ka lipelo tsa rona.

**Bala 2 Bakorinthe 8:8–15. Paulosi o buoa ka'ng moo malebana le ho fana le sepheo sa ho fana? Ke metheo efe re ka e nkang moo malebana le boqhoku?**

---



---



---

Ho sa khathalehe hore na sepheo sa hau sa ho fana ke sefe, ke lebili le bilikang ho tloha boikhabong le ho iketsa sehlabelo. Ntoa lebilling lena le lipakeng tsa ho fana le boikhabo e loanoa hangata ho feta efe kapa efe ea semoea. Boikhabo bo tla batisa pelo e kileng ea tuka bakeng sa Molimo. Bothata bo hlaha ha re tlohela boikhabo maphelong a rona a Bokreste. Ke hore, re fumana litsela tsa ho emela boikhabo ba rona ka lebitso la Krete.

Khubu ea taba e hlaha lentsoeng le le leng: lerato. Lerato le ka se bonahatsoe ntle le ho iketsa sehlabelo, boikemisetso ba ho fana ka uena, molemong oa ba bang. Ntle le hore lerato la Molimo le bonahale maphelong a rona, ho fana ha rona ho ka se bonahatse lerato la Molimo. pelo e nang le boikhabo e rata eona fela. Re lokela ho kopa Morena ho "'bolotsa lipelo tsa rona'" (Deutr. 10:16) hore re ithute ho rata joalokaha re ratiloe. Lerato, motheo oa ho ba mosa, le akaretsa molemo ohle oa Mokreste. Lerato la Molimo leo re le filoeng le re susumeletsa ho rata le rona, 'me e fela e le sepheo se setle sa ho fana.

**Ke sefeng se phoso, haeba se teng, ka likabelo tsa boithaopo tse fanoang hobane o flamehile ho feta tse fanoang ka lerato?**

## Maiphihlelo a Ho Fana

Haeba Kreste O tlike ho tla re senolela semelo sa Kreste, se le seng se tlameha ho hlaka: Molimo O oa re rata, 'me O batla tse ntle-tle fela bakeng sa rona. O re kopa ho etsa se tla ba molemong oa rona fela, se kekgeng sa e ba kotsi le ka mohla. Sena se tla kenyeletsa, boipiletso ba Hae ba hore re fane re thabile ka seo re fuoeng. Bolokolohi le likabelo tse etsoang ka pelo e ntle, li molemo ho rona bafani, hantle joaloka ho moamoheli. Ke ba fanang tjena fela ba ka tsebang hore kamoo eleng tlhohonolofatso ho fana ho feta ho fumana.

### **Bala 2 Bakorinthe 9:6, 7. Temana ee e fupere seo ho fana ho lokelang hoba sona joang?**

---



---

Ho fana ka likabelo ka bonolo ho kaba, ebile ho hloka hoba ketso ea motho ka mong, ea semoea. Ke mosebetsi oa tumelo, ponahatso ea teboho ka seo re se filoeng ka Kreste. Hape, joaloka ketso tse ling tsa tumelo, ho fana ho holisa tumelo, hobane “tumelo e senang mesebetsi e shoele” (Jakobo 2:20). 'Me haho tsela e betere ea ho holisa tumelo ho feta ho phela tumelo ea rona, ho bolelang ho etsa ntho tse tsoang tumelong ea rona, tse runyang ho eona. Ha re fana, e se ka lekhonono, re senola semelo sa Kreste ka tsela ea rona. Re ithuta haholo ka seo Molimo O leng sona 'me re ba le miphihlelo a Hae liketsong tsa rona. Ka hona, ho fana ho tjena ho mpa ho aha tšepo ea rona ho Molimo le monyetla oa ho “latsoa re utloe Jehova O molemo; ho lehlohonolo motho ea itšepeng Jehova!” (Lipes. 34:8).

“Ho tla bonahala hore khanya e sefahlehong sa Jesu ke khanya ea lerato le iketsang sehlabelo. Leseling le tsoang Golgotha, ho tla bonahala hore molao oa lerato la ho itebala ke molao oa bophelo lefatšeng le leholimong; hore lerato 'le sa ipatleleng tsa lona' le na le mohloli oa lona pelong ea Molimo; le hore ea bonolo ea ikokobelitseng ho bonahatsoa semelo sa ea lutseng leseling leo ho seng motho ea ka le fihlelang.”—Ellen G. White, *The Desire of Ages*, leq. 20.

**Ke ka tsela lifeng o bileng le maiphihlelo a bonnete ba kamoo tumelo e holoang ke ho fana o sa khanane o se na lekhonono ka tseo ho tseo u li fuoeng?**

---

## Ho Ithuta Haholoanyane:

“Moea oa bolokolohi ke moea oa leholimo. Moea oa boikhabo ke moea oa Satane. Lerato la Kreste la ho iketsa sehlabelo le bonahatsoa sefapanong. O fana ka sohle seo A neng A e na le sona, eaba O fana ka eena, hore a bolokehe. Sefapano sa Molimo se ipiletsa moseng oa molateli e mong le e mong oa Kreste Mopholosi. Tšiea e bonahalitsoeng mono ke ho fana. Taba e entsoe ka ho etsa mesebetsi ea mosa 'me mesebetsi ea mosa ke tholoana ea 'nete ea bophelo ba Mokreste. Tšiea ea lefatše ke fumana, fumana, 'me ka mokha ona le lebelletse ho fumana thabo, empa e ka fumanoa ka mefuta eohle ea eona, tholoana ea eona ke masisa-pelo le lefu.”—Ellen G. White, in *Advent Review and Sabbath Herald*, Oct. 17, 1882.

## Lipotso Tsa Ho Qoqoa:

1. Ke'ng hantle ka boikhabo se bo etsang hore bo hanane le moea oa Kreste? Ntho tseo re li lemohang tseo re ka li etsang ho thusa ho itšireletsa moeeng o joalo oa motho oa nama le mali oo bohle re nang le oona?
2. “E mong le e mong a ntše kamoo a seng a lekantse kateng, pelong ea hae; eseng ka ho soaba, le ha e le ka ho khannoa; hobane Molimo O rata ea fanang a thabile” (2 Bakor. 9:7). Lentsoe la Segerike le tolokiloeng “a thabile” le hlaha hang'oe fela Testamenteng e Ncha 'me ho lona moo re fumanang lentsoe la Senyesemane “hilarious”. See se lokela ho re bolellang ka moea oa rona ha re fana?
3. Etsa lethathamo la tsohle tseo u li fuoeng ho Kreste. Rapella seo u se ngolang fatše. Lethathamo lee le re rutang mabapi le hore re lokela ho fana ho ea kamoo re fuoeng kateng? Ka nako e tšoanang, lethathamo la hau le u rut'ang malebana le kamoo le limpho tsa rona tse ntle-tle, tse fanoang ka sepheo se setle-tle, li ka bonahalang e se letho papisong le seo re se fuoeng?
4. Ke hobaneng ha ho icheba bo uena e le tiisetso ea tsela eo u iketsang sono?
5. Nahana ka motho e mong kerekeng ea heno hona joale ea nang le tlhoko e itseng. U ka etsang, le hona joale, se ka etsang hore u fihlele motho kapa batho bao u ba thusa? U ka etsang, le haeba e u qosa u iketse sehlabelo se bohloko?